



**MILWAUKEE  
PUBLIC SCHOOLS**

Muhútorom MPS Fémili Ókkol ar Soñijja Ókkol,

Añárar 2021–22 eskuilla bosór solar sáñte sáñte, beggún óre taza hóbor zanai rakíbólla MPS e modotgar maalamat cíyar gorá jari rakíbo. Véksin ókkol, federal ESSER thiñyadiya, ar MPS Spirit Week or babote añárattu dorhari hóbor asé.

### **Soñijjar Véksin or Hókum Fas Óiye; Eskuilla Fuwar Bokcíc Monzur Óiye**

Milwaukee Board of School Directors é Séptembor 9, 2021 ot oggúaa húsusi mojjilís kayem goijjé COVID-19 véksin or hókum óre biyasana goríbólla. Soñijja ókkol beggún é véksin marar córot óre fura goríbólla Buúdh é ettefak or sáñte búth diyyé. Dórmi adde daktori cúzuk diya ókkol ór ejazot diya zaibo, lékin maf diyya manúic ókkol óttu saázaibo háfta ye duibar COVID-19 theés goróon ot híssa loibolla. Novembor 1, 2021 ór bútoore furafuri véksin maijja óngán soñijja ókkol óttu laazemi saázaibo.

Eskuilla fuwa ókkol furafuri véksin maijja óibar boldibollá boli, 12 bosórjja adde híar woror MPS eskuilla fuwa ókkol ólla Buúdh é ettefak or sáñte \$100 or bokcíc monzur goijjé. Novembor 1, 2021 ór bútoore furafuri véksin marifélaiyede hían or sóbut dede eskuilla fuwa ókkol bokcíc gúar kaabel óibó.

Soñijja ókkol adde fémili ókkol é aiyérdde din ókkol ot distrík or torfóttu beec tofsil ókkol faibo zéçe keén gorí ekkán cúzuk diyar aroz goríbó, keén gorí véksin marar sóbut gosái dibo, keén gorí eskuilla fuwar bokcíc ór dorhás goríbó dé hían, kaanun máik nosolar corót ókkol, aró boút kessú cáamel asé.

### **Sómaji Véksin Táka**

Zetará COVID-19 véksin or kaabel óiye hitára zeddúr joldi fare véksin marifélaibólla Sehéti Zimmadar ókkol é zur der. Véksin gúa ye bearam farár emkan óre homa ar bearam or fóila ré homaité modot goré.

12 bosórjja adde híar woror manúic baggún ólla maana véksin ókkol agagura asé. Véksin tuwaibólla boli, [City of Milwaukee Health Department COVID-19](#) or web sóbbat gólo, tuñár sehéti kermos dooiya ré talluk goró, yáto tuñár mokami fármesít soó.

COVID-19 véksin lootfoon óre akhéri fáróot goríbólla, distrík é kucíc gorér battí hósormó kiliník ókkol eskul ot diyoré véksin kuwaicca tákefaán gorídibollá. Ayérdde háfta ókkol ót elan ókkol ólla entezar goró.

### **Sehét ar Héfazot Sómaj or Meénnot**

Aám zagat muk ór mask ókkol findá, jisími duré tákar amól gorá, hañcáni adde háñiccaní ókkol óre algual diya, ar COVID-19 alamot ókkol óttu húciyar tákar zoriya añárar sómaj óre aram adde héfazot rakíbolla añárar zimmadarir nizer híssa ré nize adai gorífaiyúm. Alamot ókkol deháder de adde COVID-19 or sámna óiye dé manúic óttu gór ot tákóonsá ar theés goróonsá. [Quarantin adde alog tákar hédayot ókkol](#) (ziín hoek zuban ókkol ót asé) híin óre Wisconsin Department of Health Services (DHS) toiyar goijjé. DHS ottú aró asé [COVID-19 adde Eskul: Bafmaa adde Walidar Ókkol ólla Maalumat](#) ziín hoek zuban ókkol ót asé. Beggún or héfazot óre baráibolla MPS e hédayot ókkol iín loibar nosíyot gorér.

### **ESSER Thiñyadigar Ahám Elaka Ókkol**

Elementary and Secondary School Emergency Relief (ESSER) hói sinázade federal emdad ókkol ór estemal óre age-fisé goríte modot goríbar ekkán hísb lagooni híssa libollá fémili ókkol adde soñijja ókkol beggún óre añára dawot dir. Distrík agagurat torki ókkol goríbolla MPS e milíon milíon dollar háasel goré. Hájot ola elaka ókkol óre foriso goríbolla oggúa sómaji hísb lagooni adde hoeggúa fúnánir boiçók ókkol ór baade, añára tuñáre dawot dir añárar mocwara diyya plan ore foríbolla ar oi projék ókkol óre age-fisé rakíte modot goríbolla ziín óre foriso gorá giyyé. Añárar [ESSER thiñyadigar websófat](#) mazé [añrár hísb lagooni](#) gólo ar meérbáni gorí hían foró. Hísb lagooni gán Séptembor 16, 2021 fujjonto kúla tákibo.

### **MPS Spirit Week Kayem Goró**

Séptembor 13-17, 2021 Spirit Week óre MPS mehemandari gorér, hétolla eskuilla fuwa ókkol adde soñijja ókkol é húsusi fucák or din ókkol ot híssa loifaribó ar MPS or fohór or kúci manai faribó.

**Cómbar:** School Pride/School Colors Day

**Mongolbar:** Crazy Sock Day

**Buidhbar:** Book Celebrity Day

**Bicíbbar:** College and Career Day

**Cúkkurbar:** Number One Fan/Favorite Team Day

Spirit Week ot fothú ókkol maro ar social mediat tulído #MPSProud estemal gorí.

Mock Chicken Leg--eskul or oggúa sóbse mocúr duñíjjar hánar waafesir elan goróon ot MPS becí kúci! Séptembor 17 taríkka Spirit Week ot ei eskuilla bosór ot foóila bar hísafe mozar hána ibá diyazaibo de.

Meérbáni gorí noháraiyo! Spirit Week ot híssa lo, Mock Chicken Leg loi moza goró, ar fotti din eskul ot táko. Tuñárloi kelás ot dehá óibó!

[Spirit Week mouzú ókkol or ekkán habos lamo!](#)

Ekkán distrík hísafe, añárar moksúd óiye dé eskuilla fuwa ókkol óre eskul ot rakóon ar fotti din cíkacíkit mocgul gorgon. COVID-19 or khélaf añárar sóbse bála defá óiye dé

sómaj hísafe ek sáñte aiyóon, ar véksin mariféloón, másk findá jari rakóon ar héfazoti amól ókkol goróon. Ekkán beec héfazotola Milwaukee banaité añárar meénnot ókkol óre milaibólla beggún óre añára boldir.

Tuñár híssa luwar wore añára agebári tuñár cúkuriya gorír, ar eskuilla fuwain, soñijja ókkol adde fémili ókkol óre héfazot rakíbólla añárar meénnot ókkol jari rakár waada gorír.

Ehélas or sáñte,